



UNIVERSITÄTS-  
BIBLIOTHEK  
PADERBORN

**Cl. Viri Valerii Andreae Desselii In Academia Lovaniensi  
Professoris Regii Erotemata Juris Canonici**

**Andreas, Valerius**

**Coloniae, 1697**

XXXIII. De privilegiis & excessibus privilegiatorum.

---

[urn:nbn:de:hbz:466:1-62934](https://nbn-resolving.org/urn:nbn:de:hbz:466:1-62934)

peris est prohibitio ædificanti, in publico vel privato, legitimè facta, ad hoc, ut desistat ab opere, saltem tantisper, donec jus ædificandi fuerit discussum, an jure, ac injuria ædificet.

*Quid si ædificans nuntiatione neglecta non desistat ab opere?*

Tunc cogitur quidquid post nuntiationem construxerit suis sumptibus demoliri, licet postea deprehendatur, eum jure ædificasse; quia auctoritati judicis non obtemperavit. *c. 1. & 2. h. 1.*

*Quid si è diverso per ejusmodi nuntiationem opus aliquod temerè diutius differatur?*

Eo casu opus novum nuntians intra tres menses probare debet, opus inchoatum injurià constructi, estque in opinionem nuntiantis, an de præjudicio suo intra tres menses doceat, & interim desistatur ab opere, an verò pergat in ædificando, receptâ cautione de opere suis sumptibus demoliendo, si injustè ædificatum pronuntiabitur. *d. c. 1. & ult. h. 1. & l. un. C. eod. c. pen. & ult. eod.*

**De privilegiis & excessibus privilegiatorum.**

TIT. XXXIII.

Postremò tam Prælati quam subditi, siue sint Clerici siue Religiosi etiam non Clerici, nõ raro excedunt & delicta,

T 7

liçta,

licta committunt in suis privilegiis.

*Quid est Privilegium?*

**P**rivilegium est jus singulare à superiore contra jus commune uni vel pluribus concessum. Singulare, inquam, quia, cum detur contra jus commune, neque ultra personas, neque extra res privilegio expressas per interpretationem est extendendum. Jure Canonico Privilegia dici solent quælibet indulta, exemptiones, libertates, & gratiæ seu indulgentiæ, contra jus concedi solitæ.

*6. 32. h. t.*

*6. 4. & c.*

*17. in fine*

*100. De*

*civis in c.*

*Sicut Romana*

*in pr. sup. de*

*refer.*

*Quotuplex est Privilegium?*

Primo, Privilegium aliud est *personale*, quod proximam concessionis causam à personis habet, quarum merita, conditio vel qualitas dant locum privilegio; aliud *Reale*, sive Rei, causæ, vel Loci, quod alicui dignitati, corpori, universitati vel collegio, aut Studio generali conceditur. Cuiusmodi privilegia, etiam personis sublati, in rebus subsistunt & durant. Personalia verò simul cum personis, quibus concessa, intereunt.

II. Aliud est *Generale*, quod pluribus personis, vel ratione plurium personarum rerumve conceditur; aliud *Speciale*, quod uni loco vel personæ, singulari aliquo favore indulgetur.

Exo

*Excessus privilegiorum circa qua potissimum versantur?*

Circa abusum ipsorum privilegiorum. Neque enim privilegiatis licet pravâ interpretatione contra & præter mentem concedentis producere, aut alio quoque modo privilegiis sibi concessis abuti, vel aliorum privilegiis derogare; digni alioqui, qui privilegia sua amittant.

*Quibus præterea modis amittitur privilegium?*

Amittitur Primò, Morte privilegiantis, si personale sit privilegium. II. Lapsu temporis, si privilegium sit temporale. III. Præscriptione 30. vel 40. annorum. IV. Renuntiatione, tacitâ vel expressâ. V. Revocatione, aliisque modis.

c. 4. & c.  
Privilegia 24.  
h. t. Vide  
Suarez.  
de Leg.  
lib 8. c.  
34 &  
segg.

## De Purgatione Canonica.

TIT. XXXIV.

Hactenus de generibus criminum, quæ si non satis probata fuerint indicenda est Purgatio Canonica illis, qui de crimine aliquo diffamati sunt vel vehementer suspecti: & dicitur, Canonica, hæc Purgatio, quòd à SS. Canonibus inventa & prodita sit, ac surrogata Purgationi civili, quam *Vulgarem* vocant.

*Quidigitur est Purgatio Canonica?*

Pur-